



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU **BOSANSKO DEMOKRATSKE STRANKE**

Broj: 03-07-6-884/12
Sarajevo, 3. januar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosansko demokratske stranke za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa odredbama tada važećeg Zakona o finansiranju političkih stranaka ("Službeni glasnik BiH" br. 22/00, 102/09 i 54/10)¹ – u daljem tekstu: Zakon o finansiranju i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Bosansko demokratska stranka prekršila je odredbe člana 11. stav (3) i stav (4) Zakona o finansiranju.**

Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju.

¹ Dana 5.12.2012. godine stupio je na snagu novi Zakon o finansiranju političkih stranaka ("Službeni glasnik BiH" br. 95/12).

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosansko demokratske stranke za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosansko demokratska stranka je ostvarila ukupne prihode u iznosu od 6.043,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	6.043,00	100,00%
	Ostali prihodi	0,00	0,00%
	Ukupni prihodi:	6.043,00	100,00%

U godišnjem finansijskom izvještaju stranka je iskazala ukupne rashode u iznosu od 6.192,00 KM.

2. PREDSTAVLJANJE POLITIČKE STRANKE

Naziv političke stranke: Bosansko demokratska stranka. Skraćeni naziv: BDS.

Stranka je 11.03.1996. godine upisana u registar Višeg suda u Sarajevu rješenjem broj: R-I-1/96. Sjedište političke stranke je u Sarajevu, Bihaćka br. 7².

Za zastupanje stranke ovlašteni su Salahudin Mešanović, predsjednik i Enis Mešanović, zamjenik predsjednika.

Lice ovlašteno za podnošenje finansijskih izvještaja za 2011. godinu je Zlata Kajdić.

Prema podacima iz godišnjeg finansijskog izvještaja za 2011. godinu, Bosansko demokratska stranka ima sljedeću organizacionu strukturu:

- Predsjednik i
- Skupština.

² Privremeno sjedište stranke: Trg Solidarnosti 27/I, Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosansko demokratske stranke za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju.

Obim pregleda i kontrole finansijskih izvještaja Bosansko demokratske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Pregled finansijskih izvještaja se obavlja prvi put.

5. NALAZI I PREPORUKE

5.1. NALAZI

Bosansko demokratska stranka prekršila je odredbe člana 11. stav (3) i stav (4) tada važećeg Zakona o finansiranju.

- (1) Bosansko demokratska stranka prekršila je odredbe člana 11. stav (3) Zakona o finansiranju jer je godišnji finansijski izvještaj za 2011. godinu dostavila dana 13.06.2012. godine, tj. nakon zakonom propisanog roka.
- (2) Pregledom je utvrđeno da godišnji finansijski izvještaj nije potpun u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. stav (3) Zakona o finansiranju.

- BDS nije u obrascu 1-1 (organizaciona struktura političke stranke) iskazala organizacionu strukturu, čime je prekršila odredbe člana 10. Pravilnika o godišnjim finansijskim izvještajima političkih stranaka.

Uvidom u obrasce prihoda i rashoda, utvrđeno je da BDS ima organizacione odbore u Velikoj Kladaši i Gradačcu, što je trebala i iskazati u obrascu 1-1. S druge strane, stranka je u obrascu 1-1 umjesto organizacione strukture navela organe stranke (Predsjedništvo i Skupštinu).

- Uvidom u obrazac 2 (pregled prometa svih transakcijski računi političke stranke) godišnjeg finansijskog izvještaja za 2011. godinu, utvrđeno je da stranka nije iskazala sve aktivne transakcijske račune, čime je prekršila odredbe člana 11. Pravilnika o godišnjim finansijskim izvještajima političkih stranaka.

Naime, prema podacima iz Jedinstvenog registra transakcijskih računa u Centralnoj banci BiH, Bosansko demokratska stranka je u 2011. godini imala aktivan transakcijski račun broj:

3060340000276597 u Hypo Alpe Adria bank d.d. Stranka ovaj račun nije iskazala u godišnjem finansijskom izvještaju.

- (3) Dana 12.07.2012. godine, Centralna izborna komisija Bosne i Hercegovine je Bosansko demokratskoj stranci uputila Zahtjev za dostavljanje dodatne dokumentacije za 2011. godinu (spisak svih organizacionih dijelova, dokumentaciju o korištenju poslovnih prostora u 2011. godini, bruto bilans BDS na dan 31.12.2011. godine, glavnu knjigu sa kompletnim analitičkim evidencijama BDS za period 01.01.- 31.12. 2011. godine i kopije izvoda sa transakcijskog računa: 3385102226624826 za period 01.01.-31.12.2011. godine).³

Uvidom u službene evidencije, utvrđeno je da stranka u ostavljenom roku nije dostavila dodatnu dokumentaciju, te joj je Centralna izborna komisija BiH, dana 27.08.2012. godine, uputila Urgenciju za dostavljanje dodatne dokumentacije.⁴

Centralna izborna komisija BiH je, takođe, stranci uputila Zahtjev za dostavljanje dokumentacije o transakcijskom računu broj: 3060340000276597 (izvode, valutnu karticu ili potvrdu banke o ostvarenom prometu putem ovog računa u 2011. godini).⁵

Obzirom da Bosansko demokratska stranka nije na zahtjev Centralne izborne komisije BiH dostavila dodatnu finansijsku dokumentaciju za 2011. godinu, prekršene su odredbe člana 11. stav (4) Zakona o finansiranju.

Prilikom izrade izvještaja, Služba za reviziju se oslanjala na podatke prikupljene iz drugih izvora, kao što su podaci iz Jedinstvenog registra računa kod Centralne banke Bosne i Hercegovine, podaci o prihodima iz budžeta i podaci o korištenju poslovnih prostora u vlasništvu opština.

5.2. PREPORUKE

Preporučuje se Bosansko demokratskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i dostavlja u zakonom propisanom roku, i*
- *da dostavlja dodatnu dokumentaciju koju od nje zatraži Centralna izborna komisija BiH.*

KOMENTAR:

U ostavljenom roku, Bosansko demokratska stranka nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju

Sanja Tošović, revizor

³ Zahtjev za dostavljanje dodatne dokumentacije broj: 03-07-6-884-3/12.

⁴ Urgencija za dostavljanje dodatne dokumentacije broj: 03-07-6-884-4/12.

⁵ Zahtjev za dostavljanje dokumentacije broj: 03-07-6-884-5/12.